

續修四庫全書

《續修四庫全書》編纂委員會編

續修四庫全書

上海古籍出版社

一六〇七・集部・總集類

全上古三代秦漢三國六朝文七百四十一卷（全齊文卷七至卷二十六、全梁文七十四卷、

全陳文十八卷、全後魏文卷一至卷五）

〔清〕嚴可均輯

.....

竟陵王子良

子良字雲英武帝第二子昇明中校盧朔將軍恩邵陵王左軍參軍轉主簿安南記室參軍遷安南長史再遷輔國將軍會稽太守高帝受禪封開喜縣公尋為征虜將軍丹楊尹武帝即位封竟陵郡王恩鎮北將軍南徐州刺史徙侍中征北將軍南兗州刺史入為護軍將軍兼司徒進號車騎將軍正司徒領尚書令徙揚州刺史加中書監鬱林王即位進太傅督南徐州薨諡文宣王有集四十卷

梧桐賦

植梧桐於廣園嗟倏忽而成林依層檻而吐秀臨平臺而結陰乃抽葉於露始亦結實於星沈聲輕條而麗景涵清風而散音發雅

全齊文卷七

竟陵王子良

詠於悠昔流素賞之在今必鸞鳳而後集何燕雀之能臨匪伊楚官側豈獨嶧山岑遐蒿萊之難儷永配道於仙琴初學記二十八

請停臺使檢課表

前臺使督通切調恆聞相望於道及臣至郡亦殊不疎凡此輩使人既非詳慎勤順或貪險崎嶇要求此役朝辭禁門情態即異暮宿村縣威福便行但令朱鼓裁完鉅粟徵具顧眄左右叱咤自專適宗斷族排輕斥重齎過津隸恐喝傳郵破岡水逆商旅半引逼令到下先過已船浙江風猛公私畏渡脫舫在前驅令俱發呵蹙行民固其常理侮折守宰出變無窮既瞻郭望境便飛下嚴符但稱行臺未顯所督先訶疆寺卻攝羣曹開亭正倫便振荆革其次絳標寸紙一日數至徵村切里俄刻十催四鄉所召莫辭枉直孩老士庶具令付獄或尺布之通曲以當匹百錢餘稅且增為千或誰應質作尙方寄繫東冶萬姓駭迫人不自固遂漂衣敗力競致

兼想他今夕酒諧肉飲即許附申赦格明日禮輕貨薄便復不入

恩科筐貢微闕並趨肆情風塵毀謗隨忿而發及其他赫轉積黨漸盈遠則分謫他境近則託買吏民反請郡邑助民由緩回刺言臺推信在所如聞頃者令長守牧離此每實非復近歲恩謂凡諸檢課宜停遣使密畿州郡則指賜敕還外鎮宰明下條源既各奉別旨人競自罄雖復臺使盈湊會取正屬所徒相疑信反更淹懈凡預衣冠荷恩盛世多日闇緩貽貽少為欺附人罪若類已宰牧乖政則觸事難委不容課進上綱偏覺非才但賒促差降各限一期如乃事速應緩自依違糾坐之坐之科不必須重但令必行期在可肅且兩裝之船充擬千緒三坊募役呼訂萬計每一事之發彌晨方辦粗計近遠率遣一部職散人領無減二十舟船所資皆復稱是長江萬里費固倍之較略一年脫得省者息船優役實為不少兼折姦滅竊遠近暫安南齊書竟陵王子良傳又略見通典四

全齊文卷七

竟陵王子良

脩治塘邊表

京尹雖居都邑而境壤兼跨廣袤周輪幾將千里繁原地隰其處甚多舊遺古塘非唯一所而民貧業廢地利久蕪近敎遣五官殷綸典籤劉僧瑗到諸縣循履得丹陽溧陽永世等四縣解並村者辭列堪墾之田合計荒熟有八千五百五十四頃脩治塘邊可用十一萬八千餘夫一春就功便可成立南齊書竟陵王子良傳

上謹言表

臣聞明堂既闢承雲之歌闢衛室爰啟南風之頌流莫非降道燭輝紆靈浸澤陛下凝慶協圖席昌屬歷乾臨冬曉海鏡春亭選議鈞俗觀風調紀垂聽革之典除聆金之訓用能詩史無轍工須有聞是故置四輔立七諫正國度歲王闕臣謂當今宜崇諫司專事昭寒職蹈蹇諫續宣王文則優其寵秩厚其節禮庶獻龜之美方高聖代至乃靡衣餽食曾宇雕墻商貨浮侈用萊蕪替械僕爽流

標梅失序。勉民觀俗之宜。設官立事之要。隨闕興規。表廢能補。如此則壤詠無遠。輟樂可追。蘇文類聚十四

錢法表
頃錢貴物賤。殆欲兼倍。凡在綱類。莫不如茲。稼穡艱劬。斛直數十。機杼勤苦。正纔三百。所以然者。實亦有由。年常歲調。既有定期。億郵所上。咸是見直。東閩錢多。窮蹙鮮復完者。公家所受。必須圓大。以兩代一。困於無所。輟筆實繁。益致無聊。通典九

陳時政密啟

臣思水潦成患。良田沃壤。變為汗澤。農政告祥。因高肆務。播植既周。繼以旱虐。黔庶呼嗟。相視饑饉。夫國資於民。民資於食。匪食匪民。何以能政。臣每一念此。寢不眠席。本始中郡國大旱。宣帝下詔。除民租。今聞所在。逋餘尚多。守宰嚴期。兼夜課切。新稅力尙無從。故調於何取。給政當相驅為益耳。愚謂逋租。宜皆原除。少降停恩。

全齊文卷七 漢王子良

三

微紓民命。自宋道無章。王風陵替。竊官假號。駢門連室。今左民所檢。動以萬數。漸漬之來。非復始適。一朝洗正。理致沸騰。小人之心。罔思前恩。董之曰威。反怨後罰。默窮則觸。事在匪輕。齊有天下。日淺。恩洽未布一方。或飢當加優養。愚謂自可依源削除。未宜便充。累役且部曹檢校。誠存精密。令史奸黠。鮮不容情。情既有私。理或枉謬。耳目可限。羣狡無極。變易是非。居然可見。詳而後取。於事未遑。明詔深矜獄圖。恩文累墜。今科網嚴重。稱為峻察。負罪離營。充積牢戶。暑時鬱蒸。加以金鐵聚憂之氣。足感天和。民之多恐。非國福矣。頃土木之務。甚為殷廣。雖役未及民。勤費已積。災早致災。或由於此。皇明載遠。書軌未一。緣淮帶江。數州地耳。以魏方漢猶一郡之譬。以今比古。復為遠矣。何得不愛其民。緩其政。救其危。存其命。湘區奧密。蠻寇熾疆。如聞南師。未能挫戮。百姓營民。積年塗炭。疽食侵淫。邊虞力重。交州負絕一垂。賈惟荒服。特遠後賓。固亦恆

事。自青德放運。狀關受職。置之度外。不足註言。今縣軍遠伐。經途萬里。眾寡事殊。客主勢異。以逸待勞。全勝難必。又緣道調兵。以足軍力。民丁烏合。事乖習銳。廣州積歲無年。越州兵糧素乏。加以發借。必致推撓。愚謂權獻所請。不宜聽從。取亂侮亡。更俟後會。雖緩歲月。必有可禽之理。差息發勤。費役之勞。劉楷見甲以助湘中。威力既舉。蟻寇自服。南齊書竟陵王子良傳

又啟

臣一月入朝。六登文陛。廣殿稠人。裁奉顏色。縱有所懷。豈敢自達。比天書亟見。地孽亟臻。民下妖訛。好生嗜嗜。穀價難和。比室飢嗷。雖雖駢門。驟質臣一念此。每入心骨。三吳奧區。地惟河輔。百度所資。罕不自出。宜在蠲優。使其全富。而守宰相繼。務在侵剝。園桑品屋。以准貲課。致令斬樹發瓦。以充重賦。破民財產。要利一時。東郡使民。年無常限。在所相承。准令上直。每至州臺。使命切求。縣

全齊文卷七 漢王子良

四

急。應充徭役。必由窮困。乃有畏失。嚴期自殘。軀命亦有斬絕。手足以避徭役。生育弗起。始為恆事。守長不務先富民。而唯言益國。豈有民貧於下。而國富於上。邪。又泉鑄歲遠。類多磨鑿。江東大錢。十不一在。公家所受。必須輪郭完全。遂買本一千。加子七百。猶求請無地。推革相驅。尋完者為用。既不兼兩。回復還買。會非委積。徒令小民每嬰困苦。且錢帛相半。為制永久。或聞長宰。須令輸直。進還舊料。退容姦利。八屬近縣。既在京畿。發借徵調。是煩他邑。民特尤貧。連年失稔。草衣藿食。稍有流亡。今農政就興。宜蒙廉給。若逋課未上。許以申原。充豫二藩。雖日舊鎮。往屬兵虞。異乘鄉土。密邇宸庭。下無安志。編草結菴。不遑涼暑。扶推聚落。靡有生向。俱東人蒙獨絕溫飽。而賦斂多少。向均沃實。謂凡在荒民。應加蠲減。又司市之要。自昔所難。頃來此役。不由才舉。並條其重貲。許以賈術。前人增估。求俟後人加稅。請代如此。輪回終何紀極。兼復交關津要。共

相胥齒恩野未聞必加陵誅罪無大小橫沒貨載凡求試穀帛類非廉謹未解在事所以開容夫獄訟惟平畫一在制雖恩家得罪必宜申憲鼎姓貽譽最合從網若罰典惟加賤下辟書必調世族懼非先王立禮之本尙書列曹上應乾象如聞命議所出先諮於都都既下意然後付郎謹爲關行愚謂郎官尤宜推擇宋運告終戎車屢駕寄名軍牒動竊數等故非分充朝資奉殷積廣越邦宰梁益郡邑參差調補實允事機且此徒允雜罕遵王憲嚴加廉視隨違彈斥一二年間可減大半南齊書竟陵王子良傳又略見前史四十四通典五

又啟
伏尋三吳內地國之關輔百度所資民庶彫流日有困殆蠶農罕獲饑寒尤甚富者稍增其饑貧者轉鍾其弊可爲痛心難以辭盡頃錢貴物賤殆欲兼倍凡在編類莫不如茲稼穡難勸斛直數倍今機杼勤苦匹裁三百所以然者實亦有由年常歲調既有定期

全齊文卷七

五

僮卹所上咸是見直民間錢多窮弊鮮復完者公家所受必須買大以兩代一困於所質鞭撻質繁益致無聊臣昔忝會稽租開物俗墮丁所上不入官良由彼湖直壅橋路須通均夫訂直民自爲用若甲分毀壞則年一脩改若乙限堅完則終歲無役今郡通課此直悉以還臺租賦之外更生一調致令塘路崩無湖源泄散害民損政實此爲劇建元初役虜游魂軍用殷廣浙東五郡丁稅一千乃有質賣妻兒以充此限道路愁窮不可聞見所通尙多收上事絕臣登具啟聞卽蒙調原而此年租課三分通一明知徒足擾民實自弊國愚謂塘丁一條宜還復舊在所通卹侵量原除凡應用錢不限大小仍令在所折市布帛若民有雜物是軍國所須者聽隨價準直不必一應送錢於公不虧其用在私實荷其登昔晉氏初遷江左草創絹布所直十倍於今賦調多少因時增減永初中官布一匹直錢一千而民間所輸聽爲九百漸及元嘉物價

轉賤私貨則東直六千通典作四百官受則匪准五百所以每欲俊民必爲降落今人官好屯匹堪百餘其四民所送猶依舊制昔爲損上今爲刻下氓庶空儉豈不由之救民拯弊莫敢減賦時和歲稔尙爾虛乏僅值水旱豈可熟念且西京熾強實基三輔東都全固實賴三河歷代所同古今一揆石頭以外裁足自供府州方山已東深關朝廷根本夫股肱要重不可不卹宜蒙寬政少加優養略其目前小利取其長久大益無患民貲不殷國財不阜也宗臣重寄咸云利國竊如愚管未見可安南齊書王敬則傳又見通典五又十一

車制啟
臣聞車旗有章載自前史器必依禮服無舛法凡蓋員象天軫方法地上無二天之儀下設兩蓋之飾求之志錄恐爲乖衷又假爲麟首加乎馬頭事不師古鮮或可施南齊書輿服志永明初加玉良駘又見通典六十四

全齊文卷七

六

諫射雉啟
鑒舉亟動天譴屢巡陵犯風煙驅馳野澤萬乘至重一羽甚微從甚微之權忽至重之誡頃頃郊郭以外科禁嚴重匪直芻牧事罷遂乃掩掩殆廢且田月向登桑時告至士女呼嗟易生譁議棄民從欲理未可安曩時巡幸必盡威防領軍景先詹事未斧堅甲利兵左右屯衛今馳驚外野交待疎闊晨出晚還頓遺清道此實愚臣最所震迫夜虜玩威甫獲款關二漢全富猶加曲待如聞使臣頻亦怨望前會東宮遂形言色昔宋氏遣使舊列階下劉續衍使始登朝殿今既反命宜賜優禮愚謂中堂雲構實惟峻絕稽陛深嚴事隔涼暑而別爲一室如或有疑邊帶廣途訛言孔熾毀立之易過於轉圓若依舊制通微實允親聽頃市司驅扇租估過刻吹毛求瑕廉察相繼被以小罪責以重備愚謂宜救有司更詳優格臣年方朝賢齒未相及以管窺天猶知失得廡廟之士豈間是非未

問一人聞一說爲陛下憂國家非但而從亦畏威耳臣若不啟陛下於何聞之南齊書竟陵王子良傳

忽聞外議伏承當更射雉臣下情震越心懷憂悚猶謂疑妄事不必然伏度陛下以信心明照所以傾金寶於禪靈仁愛廣洽得使禽魚養命於江澤豈惟國慶民懼乃以翱翔治樂大衛生保命人獸不殊重軀愛體彼我無異故禮云聞其聲不食其肉見其生不忍其死且萬乘之尊降同匹夫之樂天殺無辜傷仁害福之本菩薩不殺壽命得長施物安樂自無恐怖不惱眾生身無患苦臣見功德有此果報所以日夜劬勤躋身奉法實願聖功康豫若此每至寢夢脫有異見不覺身心立就焦爛陛下常日捨財修福臣私心顒顒尙恨其少豈可今日見此事一損福業追悔使難臣此啟聞私心實切若是大事不可易改亦願陛下照臣此誠曲垂三思

全齊文卷七

竟陵王子良

七

況此嬉遊之閒，非闕當否，而動輒傷生，實可深慎。臣聞子孝奉君，臣忠事主，莫不靈祇通感，微辭證登。臣近段仰啟，賜希受戒，天心洞遠，誠未達勝善之途，而聖恩遲疑，尚未垂履，曲降尊極，豈可今月復隨此事。臣不墮心，卽實上啟。南齊書竟陵王子良傳

請加贈豫章王嶷啟

臣聞春秋所以稱王母弟者，已尊其所重故也。是以禮秩殊品，爵命崇異。在漢則梁王備出警入蹕之儀，在晉則齊王具殊服九命之贈。江左以來，尊親是闕，故致袞章之典廢而不傳，實由人缺其位，非禮虧省。齊王故事，與今不殊，締構王業，功迹不異。凡有變革，隨時之宜者，政緣恩情，情有輕重，德義有厚薄，若事證前規，禮無異則。且梁齊闕令終之美，猶襲褒贈之榮，況故大司馬仁和著於天性，孝悌終於立身，節義表於勒王，寬猛彰於御物，奉上無艱劬之貌，接下無毀傷之容，淡矣止於清貞，無喜慍之色，悠然栖於靜默。

絕馳兢之聲。詩云靡不有初。鮮克有終。大終之者。理實爲難。在於
今行。無廢斯德。東平樂於小善。河間悅於詩書。勳績無聞。艱危不
涉。尙致卓爾不羣。英聲萬代。況今協贊皇基。經綸霸始。功業高顯。
清與是逾彰。富貴隆重。廉潔彌峻。等古形今。孰類茲美。臣愚忖度。未
有斯例。凡庶族同氣。愛睦尙少。豈有仰觀陛下。垂友于之性。若此
者乎。共起布衣。俱登天貴。生平遊處。何事不同。分甘均味。何珍不
等。未嘗覩貌而天心不懌。見形而聖儀不悅。爰及臨危捨命。親瞻
喘息。萬分之際。沒在聖目。號哭動乎天地。感慟驚乎鬼神。乃至撤
膳移寢。坐泣遷旦。神儀損耗。隔窗改容。奉瞻聖顏。誰不悲悚。歷古
所未聞。記籍所不載。既有若斯之大德。而典服之贈不彰。如其脫
致虧忘。追改爲煩。不令千載之下。物有遺恨。其德不具美者。尙荷
嘉隆之命。況事光先烈者。盡可缺茲盛典。臣恐有識之人。容致其
議。且庶族近代。桓溫庾亮之類。亦降殊命。伏度天心。已當有在。
齊南

全齋文卷七

賁陵王子良

八

書豫章王疑傳
答張融

此乃是長史美事恐朝廷有常典不得如長史所懷南齊書張欣陵王子良乞代欣時死子良答

非君無以聞此德音

與安陸侯緬書

竊承下風數十年來姑蘇未有此政

荅王僧虔書

辱告並五紙舉體精雋靈奧執玩反覆不能釋手雖太傅之婉媚
玩好領軍之靜邀蒼緒方之蔑如也昔杜度殺字甚安而筆體微

瘦崔瑗筆勢甚快而結字小疎君處二者之間亦猶仲尼方於季孟也夫工欲善其事必先利其器伯喈非流統體素不妄下筆若子邑之紙妍妙輝光仲將之墨一點如漆伯英之筆窮神盡意妙物遠矣邈不可追遂令思挫於弱毫數屈於陋墨言之使人於邑若三珍尚存四寶斯覲何但尺素信札動見模式將一字徑文方寸千言也張彥遠法書要錄載此語與王僧虔論書混爲一篇張僧虔書今據編入竟陵王集中

與孔中丞稚珪書

覽君書具一二每患浮言之妨正道激烈之傷純和亦已久矣孟子有云君王無好智君王無好勇勇智之過生乎患禍所導正當仁義爲本今因修釋訓始見斯行之所發誓念履行欲卑高同其美且取解脫之喻不得不小失存其大至於形外之閑自不足及言真俗之教其致一耳取之者未達故橫起異同君云積業栖信

全齊文卷七

竟陵王子良

九

便是言行相外豈有奉親一毀一敬而云大孝末之前聞夫仁人之行非是殘害加其美廉潔之操不藉貪穢成其德如此則三歸五戒豈得一念而可捨十善八正豈譬想之可遺未見輕其本而能重其末所謂本既傾矣而後枝葉從之今云二途雖異何得相順此言故足見其淺近之談耳君非不親經律所辨何爲偏志一方埋沒通路夫士未嘗離俗施訓卽世之教可以知之若云斯法空成詭妄更增疑惑應當毀滅就卽因而言閨門孝悌者連鄉接黨竟有幾人今可得無其多結諸訓誥經史箴誡悉可焚之不君今遲疑於內教亦復與此何殊哉所以歸心勝法者本不以禮敬標其心就仰祇崇者不以在我故忘物今之慙慙克己者政爲君輩之徒耳欲令相與去倚矜除慢傲節情慾制貪求修禮讓習謙恭奉仁義敦孝弟課之以博施廣之以汎愛賞之以英賢拔之以儒異復何慙於鬼神乎孜孜策勵良在於斯雖未有奉遵亦意

據引口說當作說

不忘之今未有夜光之投而按劍已起欲相望於道德豈不多愧當繇未見此情故常信斯心耳在懷則不然每苦其不及司徒之府本五教是勸方共敦斯美行以率無慾使口說詭佞望門而自珍浮僞蕩逸踐庭而變迹等彼息心之館齊此無慾之臺不亦善乎一則以仰順宸極普天之慈二則敬奉儲皇垂愛之善肯旦而警惕者正患此心無遂耳悠悠之語好自多端其云願善政言未知傷化之重儻令詭事以忠孝佞悅以仁義虛設以禮讓假枉以方直乃至一日克己天下歸仁況能句則有餘所望過矣本自開心所納正若此矯不多如其此煩未廣故鄙薄深慨君正應規諫其乖開發未達云何言傷孝本語損義基於邑有懷非所望也若此事可棄則欣聞餘善又云未必勸人持戒當令善緣下發必如此而弘教者放勸須四凶革而啟聖虞舜待商均賢而德明如斯而遂美其可望乎君之此意則應廣有所折便當詰堯以土階之

全齊文卷七

竟陵王子良

十

儉嘉離宮之麗貶禹以茅茨之陋宗阿房之貴恥汲黯之正容榮祝鮀之媚色其餘節義貞信謙恭之德皆當改途而反面復何行之可修也凡問於言必察其行視於行必求於理若理不乖而行不越者請無造於異端真殊途同歸未必屏然一貫頃亦多有與君此意同者今寄言此紙情不專一者庸心於疑妄國君普宣示之略言其懷無見髣髴翰迹易煩中不盡意比見君別更委悉也夫人心之不同猶若其貌豈其容一而等其智乎鑒有待之參差足見情靈之乖舛矣一得其志者非言談之所盡一背其途者豈游說之所翻見君雖復言面委盡而不及此處者良由彼我之見既異幸可各保其方差無須空構是非橫起諍議耳栖心入信者前良不無此志今以效善之爲樂故挫倚矜以待物君若以德越往賢聖逾前脩智超羣類位極人貴者自可逍遙世表以道化物高其懷無求自足而退於前良恐未能懸絕空乘兩塗獨異勝法

高麗書

若悠悠相期本不及言意在不滿為復示斯懷耳比面別一二近聊有此釋滯兩卷想於外已當見之今送相示若已覽者付反幸無勞形目脫未視者為可一應意本不期他翻正是自釋疑滯耳君見之必當撫掌也並引明集十一

答孔中丞書

君此書甚佳宜廣示諸未達者引明集十一

與南郡太守劉景綰書

冬去因君與劉居士書今春得其返价辭趣翩翩足有才藻實子雲之筆札元瑜之書記伸復咨嗟彌用欽想此子含真抱璞比調雲霞背俗居幽萬歡林微養志南荆可與下寶爭價韶光荏服固同隋照共明雖頗段之栖遲偃仰揚鄉之寂寞恬淡取之若人信可同日而語矣且道性天悠禪心自謐敦悅九部研味三乘在家苦薩行之而不難白衣居士即之而匪易逝將燭昏覆於慧炬拯

全齊文卷七 竟陵王子良

十一

淪溺於法橋扇靈鬯之雷風鏡貞林之絕影僕猶尚既同情契漸至而悠悠京苑間以江山假復神通遠邇冥交曉曙疇得寫析深襟辨明幽旨述生滅之中談究真俗之諦義故重有別書招來畿邑居問道之次具為敦請此蘭山桂水既足逍遙儒侶玄宗復多朋往非以一爵相加豈其旌滿為分直閣投誠素庶必能玄了脫悠爾來儀想時加資遣也釋藏經四庫以明集十九 案廣弘明集篇末云王元長之詞也今編入王融集

致沙門法猷書

遠法師一代名德志節清高潛山樹美四海淪風弟子闇昧謬蒙師範方欲仰稟仁化用洗煩慮不謂此疾奄然異世悲痛之心特不可忍遠上即既業行圓通曠劫希有弟子意不欲遺形影述難處眾僧墓中得別卜餘地是所願也方應樹剎表奇刻石銘德矣

高僧傳入

齊餘七要

松既煙而接漢竹緣嶺而負筠哀過鴻於月曉悲夜後於霜早乃鶴駕之非遠信羽車之可鄰鴻池廣象太液染華勢含五水氣疏九河既百尋而照底亦千丈而分沙故乘流以神王或鼓地而目多豈能從我汎此安波蘇文無聚五十七

行宅詩序

余稟性端疎屬愛閑外往歲羈役浙東備歷江山之美名都勝境極盡登臨山原石道步步新情迴池絕澗往往舊識以吟以詠聊用述心

登山望雷居士精舍同沈右衛過劉先生墓下詩序

沛國劉子珪學優未仕跡邇心遐履信體仁古之遺德潛舟迅景滅賞淪輝言念芳猷式懷嗟述屬舍弟隨郡有示來篇彌積久要之情益淡宿草之歎升望西山率爾為答雖因事雷山實申悲劉

全齊文卷七 竟陵王子良

三

子云爾

淨住子序

遺教經云波羅提木叉是汝大師若住於世無異我也又云波羅提木叉住則我法住波羅提木叉滅則我法滅是故眾僧於望海再說禁戒謂之布薩外國云布薩此云淨住亦名長養亦名增進所謂淨住身口意身繫意如戒而住故曰淨住子者紹繼為義以沙門淨身口七支不起諸惡長養增進善提善根如是修習成佛無差則能紹繼三世佛種是佛之子故云淨住子廣弘明集二十章有專行本張薄刻竟陵王集全載之凡三十一章今不具錄每章有王融頌今編入王融集中 案廣弘明集一本無此序

眼銘

惟正是視玄黃匪惑非禮不觀儀形是則慎爾所視無衍斯德

耳銘

類聚
十七

口銘

惟口是慎。慎乎語笑。三歲是戒。事重周廟。戒之戒之。無貽厥咎。

十七

魚復戾子響

子響字雲首武帝第四子出嗣陳章王凝爲輔國將軍南彭城臨淮二郡太守遷右衛將軍仍出爲冠軍將軍豫州刺史進號

右將軍入爲散騎常侍右衛將軍永明六年還本封巴陵郡王

遷中護軍出爲江州刺史遷鎮軍將軍荊州刺史有罪賜死改

姓蚩氏貶爲魚復侯

臨死啟

劉寅等入齋檢仗具如前啟臣罪既山海分甘令鑑奉敕遣胡諧

全唐文卷七

事

之茹法亮賜重勞某等至竟無宣旨便建旗入津對城南岸築城守臣累遣書信喚法亮渡乞白服相見其永不肯羣小懼慚遂致攻戰此臣之罪也臣此月二十五日束身投軍希還天闕停宅一月臣自取盡可使齊代無殺子之讎臣免逆父之誅既不遂心今便命盡臨啟哽塞知復何陳

南齊書魚復侯子鸞傳

藏妃裙帶中啟

輕妨遠颺不得此苦之深惟願矜憐無使竹帛齊有反父之子父

有害子之名山 數其藏妃王氏帶幣中具自申明

隨郡王子隆

子隆字雲興武帝第八子歷荊州刺史侍中中軍大將軍爲明

帝所著有集七卷

山居月

四國多三
聖盛寶鼎
之客扇在
佐木之聖
殿陳易用
進芳書

娛神遊千古故亦一時之盛事

賜進士出身一品銜廣東等處提刑按察使司按察使兼管驛傳事務黃岡王毓麟校印

全齊文卷七終

全齊文卷七

十四

全齊文卷八

烏程嚴可均校輯

蕭景先

景先本名道先高帝從子仕宋為海陵王國上軍將軍補建陵令累遷至監朔將軍驍騎將軍武帝撫軍中軍二府司馬兼左衛將軍齊受禪遷太子左衛率封新吳縣伯出為司州刺史領義陽太守武帝即位徵為侍中領左軍將軍兼領軍將軍轉中領軍進爵為侯領太子詹事道母喪起為領軍將軍遷征虜將軍丹楊尹假節督司州卒贈侍中征北將軍南徐州刺史諡曰忠侯

遺言

此度疾病異於前後自省必無起理但夙荷深恩今謬充戎寄聞病每事不稱上懸慈旨便長違聖世悲哽不知所言可為作啟事

全齊文卷八

蕭景先 蕭綽

上謝至尊粗申愚心殺雖成長素闕訓範貞等幼稚未有所識方以仰累聖明非殘息所能陳謝自丁荼毒以來妓妾已多分張所餘醜猥數人皆不似事可以明月佛女柱支佛兒玉女美玉上臺美滿豔華奉東宮私馬有二十餘匹牛數頭可簡好者十匹牛二頭上臺馬五匹牛一頭奉東宮大司馬司徒各奉二匹驃騎鎮軍各奉一匹應私仗器亦悉輸臺六親多未得料理可隨宜溫卹微申素意所賜宅曠大恐非殺等所居須喪服竟可輪還臺劉家前宅久聞其貨可合率市之直若短少放官乞兄三處田勤作自足供衣食力少更隨宜買蠶猥奴婢充使不須餘營生周旋部曲還都理應分張其久舊勞勩者應料理隨宜放聞乞恩

蕭綽

蕭景先 蕭綽 蕭綽字景業高帝從子封安陸侯為吳郡太守永明中歷雍州刺史卒贈王

與衛軍王儉書論庾杲之

盛府元僚實難其選庾景行汎絳水依芙蓉何其麗也南史庾杲之傳王儉以庾杲之為衛將軍長史與儉書

蕭穎胃

穎胃高帝從子為祕書郎遷太子舍人永明三年襲父赤斧爵南豐伯歷竟陵王司徒外兵參軍晉熙王文學除明威將軍安陸內史遷中書郎除左將軍出為新安太守隆昌初徙南東海太守行南徐州事除黃門郎遷衛尉尉建武中進爵為侯遷冠軍長史復為衛尉出為後軍長史廣陵太守行南兗州事進南兗州刺史和帝為荊州以為西中郎長史南郡太守行荊州事與梁王舉義進相國左長史鎮軍將軍和帝即位進侍中尚書令領吏部尚書行荊州刺史中興元年卒贈侍中丞相梁天監初追諡曰獻武

全齊文卷八

蕭綽

遺表

臣疹患數日不謂便至困篤氣息綿微待盡而已臣雖庸薄忝籍葭莩過受先朝殊常之眷循寵彌心誓生以死屬皇業中否天地分崩總率諸侯翼奉明聖賴社稷靈長大明在運故兵之所臨無思不服今四海垂平干戈行戢方希陪翠華奉法駕反東都觀舊物不幸遭疾奄辭明世懷此深恨永結泉壤竊惟皇業至重萬機甚大登之實難守之未易陛下富於春秋當遠尋祖宗創業艱難殷鑒季末顛覆厥緒思所以念始圖終康此兆庶征東大將軍臣衍元勳上德光贊天下陛下垂拱仰成則風流日化臣雖萬沒無所遺恨

移檄京邑

西中郎府長史都督行留諸軍事右軍將軍南郡太守南豐縣開國侯蕭穎胃司馬征虜將軍新興太守夏侯詳告京邑百官諸州

郡牧守天運不常炎有時而滅數無恆刻否極則亨昔商邑中微彭章投袂漢室方昏虛牟効節故風聲水樹下世長久者也昔我太祖高皇帝德施生民功格天地仰維彤雲俯臨紫極世祖嗣興增光前業雲雨之所沾被日月之所出入莫不舉踵來王交臂納貢鬱林昏迷顛覆厥序俾我大齊之祚塋焉將隆高宗明皇帝建道德之盛軌垂仁義之至蹤紹二祖之鴻基繼三五之絕業味旦丕顯不明求衣故奇士盈朝異人幅湊若遇經緯繅桑之文定鼎作洛之制非雲如醴之祥白質黑章之瑞諒以則天比大無德稱焉而嗣主不綱窮肆陵暴十世畢行三風咸喪喪初而無哀貌在感而有喜容酣酒嗜音罔懲其侮讒賊狂邪是與比周遂令親賢嬰荼毒之誅宰輔受菹醢之戮江僕射蕭劉領軍徐司空沈僕射曹右衛或外戚懿親或皇室令德或時宗民望或國之虎臣並動彰中興功比周邵秉鈞贊邦受遺先朝咸以名重見疑正直貽弊

全齊文卷八

三

害加黨族虐及嬰孺曾無涓陽追遠之情不顧本枝殲落之痛信必見疑忠而獲罪百姓業業罔知攸暨崔慧景內逼淫刑外不堪命驛土崩之民爲免死之計倒戈回刃還指官闕城無完守人有異圖賴蕭令君勳濟宗祚業拯蒼氓四海蒙一匡之德億兆憑再造之功江夏王拘迫威強牽制巨力迹屈當時適心可亮竟不能內恕採情顯加鴆毒蕭令自以親惟族長任實宗臣至誠苦言朝夕獻入譴醜交構漸見疏疑浸潤成災奄離怨酷用人之功以靈社稷刈人之身以騁淫濫台輔既誅茲小競用梅蟲兒茹法珍妖忍愚戾窮縱醜惡販鬻主威以爲家勢營惑嗣主恣其妖虐官女千餘裸服宣姪孽臣數十袒裼相逐帳飲闔肆之間宵遊街陌之上提挈羣豎以爲歡笑劉山陽潛受凶旨規肆狂逆天誘其衷卽就皇朝夫天生蒸民樹之以君使司牧之勿使失性豈有辱臨寓縣辱遍黔首絕親戚之恩無君臣之義功重者先誅勳高者速斃

九族內離四夷外叛封境日蹙戎馬交馳帑藏既空百姓已竭不卹不憂慢遊是好民怨於上天懲於上故熒惑襲月孽火燒宮妖水表災震蝕告診七廟貼危三才莫紀大懼我四海之命永淪于地南康殿下體自高宗天挺英懿食葉之徵著於弱年當璧之祥兆乎綺歲億兆顯顯咸思戴奉且勢居上游任愆戎略家國之咎寧濟是當莫府身備皇宗忝荷顧託憂深責重誓清時難今命冠軍將軍西中郎諮議領中直兵參軍軍主楊公則寧朔將軍領中兵參軍軍主王法度冠軍將軍諮議參軍軍主龐嗣輔國將軍諮議參軍領別駕軍主宗央輔國將軍諮議參軍軍主樂謁等領勳卒三萬陵波電邁逕造秣陵冠軍將軍領諮議中直兵參軍軍主蔡道恭輔國將軍中直兵參軍右軍府司馬軍主席關文輔國將軍中直兵參軍軍主任漾之寧朔將軍中直兵參軍軍主韓孝仁寧朔將軍中直兵參軍軍主朱斌中直兵參軍軍主宗冰之建威

全齊文卷八

四

將軍中直兵參軍軍主朱景舒寧朔將軍中直兵參軍軍主庾域寧遠將軍軍主庾略等被甲二萬直指建業輔國將軍武寧太守軍主鄧元起輔國將軍前軍將軍軍主王世興等銳騎一萬分趨白下征虜將軍領司馬新興太守夏侯詳寧朔將軍諮議參軍軍主柳忱寧朔將軍領中兵參軍軍主劉孝慶建威將軍軍主江陵令江詮等帥組甲五萬駱驛繼發雄劍高摩則五星從流長戟遙指則雲虹變色天地爲之喬皇山淵目之崩沸莫府親貫甲冑授律中權革帥能罷之士十有五萬征鼓紛登雷動荆南寧朔將軍南康王友蕭穎達領虎旅三萬抗威後拒蕭雍州勳業蓋世謀猷淵肅旣痛家禍兼憤國難泣血枕戈誓雪怨酷積卒十萬已出漢川張鄧州節義慷慨悉力齊奮江州邵陵王湘州張行事王司州皆遠近懸旣不謀而同並勒驍猛指景風馳舟艦魚麗萬里蓋水車騎雲屯平原霧集以同心之士伐倒戈之眾盛德之師救危亡

之國何征而不服何誅而不克哉今兵之所指惟在梅蟲兒姦法珍二人而已諸君德載累世動著先朝屬無妄之時居中否之運受迫羣豎念有危懼大軍近次當各思奮迹來赴軍門檄到之日有能斬送蟲兒法珍首者封二千戶開國縣侯若迷惑凶黨敢拒命者刑茲無赦戮及宗族賞罰之信有如曠日江水在此余不食言

南齊書蕭道成傳

王琨琨琅邪臨沂人晉衛將軍曹孫宋永初中除郎中駙馬都尉奉朝議元嘉初爲尚書儀曹郎州治中累遷左軍諮議領錄事出爲宣城太守司徒從事中郎義興太守遷爲北中郎長史黃門郎宣朔將軍東陽太守孝建初遷廷尉卿驃騎長史加臨淮太守轉吏部郎出爲廣州刺史還爲廷尉加給事中轉歷陽內史徙東中郎長史遷度支尚書出爲廣陵太守泰始初遷度支尚

全齊文卷八

王琨王琨之

五

書加光祿大夫出爲冠軍將軍吳郡太守遷中領軍加太常及金紫加散騎常侍出爲會稽太守元徽中遷金紫光祿本州中正加特進順帝即位進右光祿大夫齊受禪領武陵王師加侍中建元四年卒年八十四贈左光祿大夫

請以小息修襲封從兄華爵表

臣門姪不休從孫長是故右衛將軍華息少資常猥猶冀晚進頃更昏酣業身無檢故衛將軍華忠肅奉國善及世祀而長負豐承封將傾基緒嗣小息修開立保退不乖素風如蒙拯立則存亡荷榮私祿更構南齊書王琨傳從兄華孫長襲華爵表

王琨之

逸之字宣約琨從子仕宋爲江夏王國常侍行大司馬參軍章安令山陽王驎騎參軍兼治書御史安成國郎中吳令昇明末以著作郎兼尚書左丞齊受禪爲國子博士永明中兼著作轉

通直常侍驍騎將軍出爲宣朔將軍南康相大中光祿大夫加侍中

奏劾謝超宗袁象

臣聞行父盡忠無禮斯疾農夫去草見惡必耘所以振綱請良登朝著績未有尸位存私而能保其榮名者也今月九日治書侍御史臣司馬侃敬彈征北諮議參軍事謝超宗稱根性昏軟率心險放悖議爽異器辭犯實親朋忍問衣冠掩目輒收付廷尉法獄治罪處初雖重文辭簡略事入主書被却還外其晚兼御史中丞臣袁象改奏白簡始粗詳備厥初隱衛賈象之由尋超宗植性險戾稟行兇詭豺狼野心久暴遐邇張敬兒潛圖反噬罰未塞誓而稱怨痛枉形於言貌協附姦邪疑問動烈構扇異端議議時政行路同忿有心成疾而阿昧苟容輕文略奏又彈事舊體品第不簡而賈象殊常者皆命議親奏以彰深警況超宗罪愈四凶過窮南竹

全齊文卷八

王琨之

六

雖下輒收而文止黃案沈浮並見輕重相乖此而不糾憲綱將替家才識疏淺質幹無聞憲威昇榮因慈荷任不能克己厲情少酬恩獎撓法容非用申私惠何以糾正邦遠式明王度臣等議請以見事免象所居官解兼御史中丞輒攝曹依舊下禁止視事如故治書侍御史臣司馬侃雖承稟有由而初無疑款亦合及答請杖督五十奪勞百日令史卑微不足申盡版可奉行侃奏彈之始臣等並即經見加推糾案入主書方被却檢疏謬之雪伏追震悚

錫路議

大輅殷之祭車故不登周輅之名而明堂位云大輅殷輅也注云大輅木輅也月令中央土乘大輅注云殷輅也禮器大輅繁縷一就注云大輅殷之祭天車也周禮五路玉路金路象路革路木路則周之木輅殷之大輅也周革路建大白以印戎此則戎輅也意

謂國之大事在祀與戎故錫以殷祭天之車與周之師戎之路祀則以殷戎必以周者明郊天義遠建前代之禮即戎事近故以今世之制明室位云魯君孟春乘大輅載十有二旒日月之章祀帝于郊天子以大輅以錫諸侯良有以也今木路即大路也齊書與宋明三年錫齊王大輅戎輅各一乘黃五輅無大輅戎輅左丞王遂之議

王珪之

珪之遂之從弟建元中為祠部郎中累遷至長水校尉有齊職儀五十卷

喪遇問議

喪以問施功衰以下小祥值問則略而不言今雖屢祥名猶存異於餘服計月為數屈追慕之心以遠為邇日既餘分月非正朔合而全制於情唯允僕射儉議理據詳博謹所附同今司徒淵始雖疑難再經往反未同儉議依舊八座丞郎通共博議為允以來五

全齊文卷八

王珪之

七

月晦小祥其祥禱自依常限秦御班下內外南齊書禮志下建元三年祠部郎中王珪之議又見通典一百

王顥

顥珪之子永明中為中軍參軍

上父珪之齊職儀啟

臣亡父故長水校尉珪之籍素為基依儒習性以宋元徽二年被敕使纂集古設官歷代分職凡在墳策必盡詳究是以等級掌司咸加編錄黜陟遷補該研記述章服之差兼冠佩之飾屬值啟運軌度惟新故太宰臣淵奉宣敕旨使速洗正刊定未畢臣私門凶禍不揜庸微謹冒啟上凡五十卷謂之齊職儀仰希永升天關長銘祔府南齊書王遂之傳

王僧虔

僧虔宋左光祿大夫曇首次子元嘉中除祕書郎太子舍人累

遷至尚書令齊受禪轉侍中撫軍將軍丹楊尹授左光祿大夫出為征南將軍湘州刺史武帝即位授侍中左光祿大夫永明三年卒贈司空諡曰簡穆

書賦

情憑虛而測有思沿想而圖空心經於則目像其容手以心麾毫以手從風搖挺氣妍嬈深功爾其謀明敏蛇螭綢繆趨將摘文篋縛託韻笙簧儀春等愛麗景依光沈若雲鸞輕若蟬揚獨必昂萃約實箕張垂端整曲裁邪製方或具美於片巧或雙競於兩傷形歸靡而多態氣陵厲其如芒故其柔貌也必妍獻體也貴壯跡乘規而勢勢志循檢而懷放文類聚七十四

樂表

全齊文卷八

王僧虔

八

觀樂知風是則音不妄起曲豈徒奏哥倡既設伏賦已徵清濁是均山琴自應斯乃天地之靈和升降之明節今帝道四達禮樂交通誠非京陋所敢裁酌伏以三古缺聞六代潛響舞詠與日月偕淫精靈與風雲俱滅追餘操而長懷撫遺器而太息此則然矣夫鐘縣之器以雅為用凱容之制八份為體故羽籥擊拊以相諧應李氏獲誥將在於此今總章舊份二八之流桂服既殊曲律亦異推今校古皎然可知又哥鐘一肆克諧女樂以哥為稱非雅器也大明中即以宮縣合和鞞鼓節數雖會慮乖雅體將來知音或議聖世若謂鐘舞已諧不欲廢罷別立哥鐘以調羽俗止於別宴不開朝享四縣所奏謹依雅則斯則舊樂前典不墜於地臣昔已制哥聲猶在樂官具以副鐘配成一部即義治理如或可安又今之清商實猶銅雀魏氏三祖風流可懷京洛相高江左彌重諒以金縣干戚事絕於斯而情變聽改稍復零落十數年間亡者將半自

頃家競新哇人尚諺俗務在唯危不顧律紀流石無涯未知所極
排斥典正崇長煩淫士有等差無故不可以去禮樂有攸序長幼
不可以共聞故諺之製日盛於摩里風味之韻獨盡於衣冠夫
川震社亡同靈畢戒哀思靡漫異世齊靡咎微不殊而欣畏並用
竊所未譬也方今塵靜畿中波恬海外雅頌得所實在茲辰臣以
爲宜命典司務勤課習緝理舊聲迭相開曉凡所遺漏悉使補拾
曲全者祿厚藝敏者位優利以勸之則人思自勸風以靡之可不
謂自革反本還源庶可跂踵王僧虔上表並言三調哥又見南齊書王僧虔傳有刪節

請禁上湯殺囚疏

湯本以救疾而實行冤暴或以肆忿若罪必入重自有正刑若去
惡宜疾則應先啟豈有死生大命而濫制下邑愚謂治下囚病必
先刺郡求職司與醫對共診驗遠縣家人省視然後處理可使死

全齊文卷八 王僧虔

九

者不恨生者無怨南齊書王僧虔傳那縣獄相承

辭判二岸雜事啟

臣僧虔啟劉伯寵陶瑾稱敕二岸雜事悉委臣判聖恩罔已獎使
人效斯實臣下駑駘至願且職事所司不應多陳雖奉今旨臣豈
敢於外下意不先上聞正當營奉管見令官長啟審可否之宜會
須恩裁此乃更亂天聰或致煩瑣且得仍舊以待能者恐於事體
二三惟允伏願少留神照察覽所啟非敢辭務懼塵聖化謹冒輸
請伏追震作謹啟帝化開

請用謝憲督運啟

臣僧虔啟南臺御史謝憲乃堪驅使臣門義舊粗是所悉統內新
故雜米數十萬斛實須督切憲今請假在此臣欲折以統攝庶得
速辦其頻經督運已有前效謹以啟聞伏願聽許謹啟帝化開

爲王瑒乞郡啟

太子舍人王瑒十五子牒在職三載家貧仰希江郢所統小郡
謹牒七月廿四日關僧虔啟南齊書

條疏古來能書人名啟

臣僧虔啟昨奉勅須古來能書人名臣所知局狹不辨廣悉輒條
疏上呈羊欣所撰錄一卷尋案未得續更呈聞謹啟

秦丞相李斯

秦中車府令趙高右二人

秦獄吏程邈善大篆得罪始皇囚於雲陽獄增減大篆體去其繁
複始皇善之出爲御史名書曰隸書

扶風曹喜後漢人不知其官善篆隸篆小異李斯見師一時
陳雷蔡邕後漢左中郎將善篆隸采斯喜之法直定直父碑文
傳於世篆者師焉

全齊文卷八 王僧虔

十

杜陵陳遵後漢人不知其官善篆隸每書一座皆驚時人謂爲陳
驚座

上谷王次仲後漢人作八分楷法

師宜官後漢不知何許人何官能爲大字方一丈小字方寸千言
欺球碑是宜官書甚自矜重或空至酒家先書其壁觀者雲集酒
因大售俟其飲足削書而退

安定梁鵠後漢人官至選部尚書得師宜官法魏武重之常以鵠
書懸帳中宮殿題署多是鵠手也

陳留郎顗後漢爲魏臨淄侯文學得次仲法名在鵠後

毛弘鵠弟子今祀書八分皆傳弘法義有左子邑與消小異亦有

名

京兆杜度爲魏齊相始有草名

安平崔瑗後漢濟北相亦善草書平持堅得崔瑗書王子敬云

極似張伯英，援子寔官至尚書，亦能草書。

弘農張芝，高尚不仕，善草書，精勁絕倫。家之衣帛，必先書而後練。臨池學書，池水盡墨。每書云：「匆匆不暇草書。」人謂爲草聖。弟超，漢黃門侍郎，亦能草。今世云：「芝草者，多是超作也。」

美詡，梁宣田彥和及司徒彥誕皆伯英弟子，並善草。誕書最優，誕字仲將，京兆人。善楷書，漢魏宮館寶器皆是誕手寫。魏明帝起凌雲臺，謾先釘榜而未題，以籠盛誕，輒繞長絙引之，使就榜書之。去地上二十五丈，誕甚危懼，乃擲其筆以下，焚之，仍誡子孫絕此楷法。著之家令，官至鴻臚少卿。誕子少季亦有能稱。

羅暉，趙饒不詳何許人，與伯英同時，見稱西州，而矜許自與，眾頗惑之。伯英與朱寬書自敘云：「上比崔杜不足，下方羅趙有餘。」

趙壹，張超亦善草，不及崔張。

晉齊王攸善草行書。

太山羊忱，晉徐州刺史，羊固，晉臨海太守，並善行書。
江夏李式，晉侍中，善寫隸草。弟定子公府能名同式。
晉中書院李充，母衛夫人，善鍾法。王逸少之師。
琅邪王廙，晉平南將軍，荊州刺史，能章楷，謹傳鍾法。
晉丞相王導，善篆行，見也。

全齊文卷八 王僧虔

十一

王愷，晉中軍將軍，會稽內史，善隸書，導第一。
王洽，晉中書令，領軍將軍，眾善通善，尤能隸行，從兄義之云：「弟書遂不減吾。」
王珣，晉中書令，善隸行，洽少。
王羲之，晉右將軍，會稽內史，博精羣法，特善草隸。羊欣云：「古今莫二。」
王獻之，晉中書令，善隸，骨勢不若父，而媚趣過之。
之徽之，兄子，消之，並善草行。

王允之，晉衛軍將軍，會稽內史，亦善草行。
太原王濛，晉司徒左長史，能草隸，子修琅邪王文學，善隸行，與義之善，故始窮其妙，早亡，未盡其美。子敬每自修書云：「咄咄逼人。」
王綏，晉冠軍將軍，會稽內史，善隸行。
高平郗愔，晉司空，會稽內史，善草，亦能隸。郗超，晉中書令，亦善草。
顧川，庾亮，晉太尉，善草行。庾翼，晉荊州刺史，善隸行，時與義之齊名。
陳郡謝安，晉太傅，善隸行。
高陽許靖，民鎮軍參軍，善隸草，義之高足。
晉穆帝時，有張翼，善學人書，寫義之表，表出經日不覺，後云：「幾欲亂真。」
飛白，本是宮殿題八分之輕者，全用楷法。吳時張弘好學，不仕常。

全齊文卷八 王僧虔

十二

著烏巾，時人號爲張烏巾，此人特善飛白，能書者無不好之。
凡六十九人，法書要錄，案本注六。
十人，今此散僅五十七人，當有誤。
報檀珪書。
征北板比歲處遇小優，殷主簿從此府入崇禮，何儀曹卽代殷，亦不見訴爲苦。足下積屈一朝超升，政自小難，泰始初，勤苦十年，自未見其賞，而顧就求稱，亦何可遂？吾與足下素無怨憾，何以相使苦？直是意有佐佑耳。
古語云：「中國失禮，問之四夷。」計樂亦如符堅敗後，東晉始備金石樂，故知不可全誣也。北國或有遺樂，誠未可便以補中夏之闕，且得知其存亡，亦一理也。但鼓吹舊有二十一曲，今所能者十一而已。意謂北使曾有散役，得今樂署一人，粗別同異者，充此使，限雖復，延州難追，其得知所知亦當不同。若謂有此理者，可得申吾意。

全上古三代秦漢三國六朝文 全齊文卷八

上聞不試爲思之南齊書王僧虔傳

與張緒書

孔祐敬康曾孫也行動幽祇德標松桂引爲主簿遂不可屈此古之遺德也南史杜京產傳

與某書

承天涼體豫復欲結寫一賦傾遲暉采心目俱勞承閱覽祕府備觀羣跡崔張歸美於逸少雖一代所宗僕不見前古人之跡計亦無以過於逸少既妙盡深絕便當得之寶錄然觀前世稱目竊有疑焉崔杜之後共推張芝仲將謂之筆聖伯玉得其筋巨山得其骨索氏自謂其書銀鉤鐵尾談者誠得其宗劉德升爲鍾胡所師兩賢並有肥瘦之斷元鳴獲釘壁之觀師宜致酒簡之多此亦不能止長脗狸骨右軍以爲絕倫其功不可及由此言之而向之論或致投杖聊呈一笑不妄言耳法書要錄引王僧虔論書與竟陵王子良答僧虔書混爲一篇今從

全齊文卷八 王僧虔

幸

梅鼎祚文紀割爲與某書

誠子書

知汝恨吾不許汝學欲自悔厲或以閭棺自期或更擇美業且得有恆亦慰窮生但亟聞斯唱未觀其實請從先師聽言觀行冀此不復虛身吾未信汝非徒然也往年有意於史取三國志聚置牀頭百日許復徒業就玄自當小差於史猶未近彷彿曼倩有云談何容易見諸玄志爲之逸腸爲之抽專一書轉讀數十家注自少至老手不釋卷尚未敢輕言汝開老子卷頭五尺許未知輔嗣何所造平叔何所說馬鄭何所異指例何所明而便盛於塵尾自呼談士此最險事設令衰令命汝言易謝中書挑汝言莊張吳興叩汝言老端可復言未嘗有邪談故如射前人得破後人應解不解卽輸貽矣且論注百氏荊州八表又才性四本聲無哀樂皆言家口實如客至之有設也汝皆未經拂耳瞞目豈有庖廚不脩而欲

延大賓者哉就如張衡思倖造化郭象言類懸河不自勞苦何由至此汝曾未窺其題目未辨其指歸六十四卦未知何名莊子罪

篇何者內外八表所載凡有幾家四本之概以何爲長而終日欺人人亦不受汝欺也由吾不學無以爲訓然重華無嚴父放動無令子亦各由己耳汝輩竊議亦當云阿越不學在天地間可嬉戲

何忽自課誦幸及盛時逐歲暮何必有所減汝見其一耳不全爾也設令吾學如馬鄭亦必甚勝復倍不如今亦必大減致之有由從身上來也汝今壯年自勤數倍許騰劣及吾耳世中比例舉眼

是汝足知此不復具言吾在世雖乏德業要復推排人間數十許年故是一舊物人或以比數汝等耳卽化之後若自無調度誰復知汝事者舍中亦有少負令譽弱冠越超清級者於時王家門中

優者則龍鳳劣者猶虎豹失墜之後豈龍虎之議況吾不能爲汝陰政應各自努力耳或有身經三公蔑爾無聞布衣寒素卿相屈

全齊文卷八 王僧虔

南

體或父子貴賤殊兄弟聲名異何也體盡讀數百卷書耳吾今悔無所及欲以前車誠爾後乘也汝年入立境方應從官兼有室累牽役情性何處復得下帷如王郎時邪爲可作世中學取過一生耳試復三思勿諱吾言猶推捷志輩冀脫萬一未死之間望有成就者不知當有益否各在爾身已切身豈復關吾邪鬼唯知愛深松茂柏盧知子弟毀譽事因汝有感故略敘習懷南齊書王僧虔傳又略見南史

論書

宋文帝書自云可比王子敬時議者云天然勝羊欣工夫少於欣王平南廣是右軍之叔自過江東右軍之前唯廣爲最善爲晉明帝師書爲右軍法

亡曾祖領軍治書與右軍書俱變古形不爾至今猶法鍾張右軍云弟書遂不減吾